

五言

五言

利盡無鹽不虛也既架生

尚急執乍見之碑不以請但

酸迫人苗留此道与慧業文

人不立海与少年爭道也利盡大



籍疎者加少者多之之諸之醫之
其臣愛之之不成片段耳之欲
集四十年來吟詠另存一冊但老
德漫不可靠托之不必以是精
板行之之如村市置鹽米可耳

不捷以事半是融在之海應得
至精博甚多本業不了台既
博約民可情也性不耐寒前少矣起
於少托事源此一月頃際存是問
扁臂時弱於理及若集好可傳

乎山居水溝未通遠
台鐵場人
半久若公遠適一日得
三多時漸老
原以存佳不知尚何任不

只前云難可好臥之姑好之瓶案
久若若強江案與王構之
橫州之助想

三

諸多不以為怪
三不手採之
未任通
觀之系如

前廣明旅苦詩但付
三多任食入

各石吸想得再頌
今若莫病中不能動
只替鈎擲飯
此身如石
願
承

俯仰時病極謝諸朋好以

而考至乃不能勉勵強起唯諾

將身負罪如何担

為文後志



百十首道南書

三

又真

諸詩皆述為事者刻為原僱韵生

潤色之積者清夜出為此由之而


本中尚看七八字誤巨之而家

詩出諸君若極多前付胡仁祖

以世歷為事未可也且家片時
刷耳諸本賴陽冰甥解印之

為也

謝之少生



子由乃也

下


詠業近集目錄



四言古

贈陳甌溪後人 一章

元晦



贈張鯢淵中丞平寇班師

五篇 四十四 章

七建

師武

禹甸

光天

文德

四言古詩

漳海

黃石齋著
榕壇門人

較

丁玉明者古之有道也
甌溪陳靚夫凝市
二兄弟皆從之游
沒身不衰
今其子弟
猶守敦篤
有二生之風
聊為識數言
歸之
勿謂好學從師者之皆無用也

昔維元晦引掖安卿
暨於子充實歎林子
剩夫之起孑然無徒
謂我有漳邈惟三士
斯道不墜

在丁玉明、誰信從者、甌溪陳生、厥有昆季、覩夫
凝甫、皆本醇德、闇然服古、不求聞達、不慕浮榮、
服勞從師、萬里于征、大雅既衰、問學道喪、誰以
韋布而敦德種、譬之農夫、惟藝黍稷、是耔是耘、
是寢是食、惟其敦朴、物莫之奪、內本靜專、不撼
其末、我稽古人、亦寡與儔、愛敬知能、厥惟蒙求、
少則云然、壯老則不、惟此孩心、鬱若終古、以眎
仁義、猶梓與鼓、動之曰誠、應之曰信、非誠與信、

同室莫應、我觀陳生、乃思丁君、行修於鄉、而應
於國、衆不媿朋、私不媿獨、宜爾後人、繼其初服、

甲申端午後四日張鯢淵中丞旣平漳寇

班師過訪鄴山與諸子餞道于東江之

渚爰集詩歌先爲引端 敘別載

七建之山、隆崇宵浚、滔德自天、民生孽心、於皇
張公、鎮以靜默、細刃鉅斤、不缺不折、匪曰平之
曰知厥情、絕本反原、使孽不興、雖有龍蛇、共慕

其血雖有，譬虎共顧其穴，去顧去慕，民乃安作。
潛淵拔地，不改其度，用如不疑，功如不居，禹鼎
倕鍾，湛以詩書，矛弧是仗，芻蕘是採，亦矢文德。
乃濟儼海，漳山既平，漳流既清，綏以盡干，而依
磬聲，溫祗義俎，以保有室，道津禮液，而洗斧鑕。
四方眎茲，亦曰懋哉。天子命公，獲所樹哉，微
我張公，雖有甲兵，又曷怙哉。

右十章一章至九章章四句末章七句

師武桓桓，曰表江漢，乃秉七德，以戡斯亂，維我
張公，文武是憲，淵塞厥心，耨與道貫，念茲海隅，
亦服鄒魯，有蠢不知，如犢觸乳，奉筆而嘯，梭竿
曰舜，帝軫不除，俾受公度，公順長道，以御雄畧，
驩駟服駿，不掣其轂，狸首之來，咸辭其穴，公曰
念哉，天吏迨德，勿爲猛火，以燼玉石，巨憝旣得，
皆安厥室，人人廬廬，子子翼翼，維公之來，甫及
三旬，維公之歸，夏初受春，鷹鳩俱化，醯醢皆醇。

田疇孔修、畔路是遵、公既飲至、不畱不處、整如
巖君、暇若處女、曰將帥力、曰神明與、我則何功
而惠此土、帝曰能哉、相我羣工、莫如爾、諸居
圉且荒、匪天降災、爾有風力、則吹塵垢、彼尸素
者如食斯餽、何以錫公有馬、有車、玄裘介圭、赤
誥金書、雖有茲錫、公殊未喜、曰彼四海、未有寧
止、安得皇途、既平且康、蠹賊不生、八蜡永臧、公
立帝廷、扶中植央、乃矢崗梧、以鏘鳳皇、

右九章一章二章章八句三章六句四章

五章六章章八句七章九句八章九章

章八句

倬此禹甸、是秉文教、攬轡不涓、其末廼掉、稂莠
不鋤、嘉禾曷蘇、雖有油雲、委之泥塗、維我南服、
豈曰荆楚、蛇虺相師、遂啓厥侮、屢叛屢招、匪類
乃驕、畜豕牧羊、其鑿不遙、粵維張公、實壯我鑰、
拔本塞源、以贊於鑠、順命者扶、干命者誅、無縱

詭隨以恩驚愚、顧彼飛鵝、安有好音、烹蛇禦風、
不恬於心、取民鎧革、尚曰無赦、豈有養魅、以司
宵夜、魚然之羣、用歿博活、公曰弋之、取彼在穴、
一夫伏鑕、千室鳴絃、若彼羸生、蒲不敢鞭、以公
之憲、式我邦國、萬羊億犴、孤童子牧、世道將興、
則維巡方、況爲長師、以奠吉疆、四馬之駮、六轡
如琴、剛柔載調、以敷德音、奇功茂績、則世亦有
大人、載道澹若玄酒、漳江之濱、而無彼姝、魚膾
膾香、薄於薤菹、遺公千言、以雅以頌、視彼來茲、
吉甫張仲、所不敢云、六月出車、薄伐四方、以匡
玉居、

右八章章八句末章十二句

光天喁喁、則維遠海、馬童騰蹕、以震方外、帝曰
寧之、則維重臣、帷幄之謀、而消甲兵、無日悍馬
亦顧厥御、好曰盤節、則視彼鑿、我有山子、亦走
萬里、我有素虬、亦蹈海水、爾逞駕之、勿隨勿追

爾遣秦之、以和以威、四野將逃、勿駭以鼓、去厥
害羣、乃獲我馬、靜烝邃心、維公則能、碩畫遠猶、
不違其經、譬彼弗種、有相之道、不以嘉穀、卑於
豐草、漁梁之山、九仙之谿、翠旄采旌、而蘇貞妻
降於漳江、以屈梁麓、反鼻辨髮、無思不服、顧彼
佗夫、戮力於原、載隄攻駒、則操其端、亦有罄控、
亦有縱送、二八之蹄、乃悉其用、車至轍微、無堅
不摧、蘭表稻畦、成行鼎鼎、工安其肆、民安其畔、

仲召虎、則循其貫、燕喜勞還、乃及旬朔、膚敏
之功、爲今古獨、鴻雁啓啓、曰歸其家、籩豆壺觴、
而揚斧柯、江東諸賢、有孝有德、實頌清風、以鏤
金石、皇路將夷、爰聞是詩、登於九天、勒爲穹碑、
右九章章八句

文德維和、武德維斷、和斷之繩、則艤彼岸、遼陽
隕師、曰維不和、楚豫潰癰、曰維不斷、顧此四海、
茫無其畔、世有哲人、必灼厥因、相彼病源、而病

乃身不尸厥功、不違厥馬、乃從蟻水、而獲其野、
修文德來、繫長道順、非獨標治、亦曰本論、君子
剛功、先廣厥心、鍾簾在宮、外聞其音、戰勝在堂、
豈必臨戎、安于之涯、矇犢不下、尹鐸之邑、蛙魚
所厠、或峻或平、廣德所經、佗佗躡梁、安知其型、
鑒彼四方、先悟厥敗、碩人容容、良士蹶蹶、亂生
微寧、病加少愈、實有毛倫、衆莫克舉、高位易尊、
崇功易驕、廉藺區區、猶知本標、嗟彼世人、舉鼎
絕躋、益銷以石、蓋非其任、楚豫旣喪、乃畀秦晉、
猶曰標治、異於本命、哲人亶聰、勿輕鄙夫、亦有
駢素、以扶輿樞、芻蕘禮樂、而佐上聖、喪亂弘多、
則靡有定、楊葉百發、其的不競、載闕載收、如雨
農功、宗然體虛、乃與天通、勿謂道謀、不足與同、
右八章一章十句二章十二句三章六句
四章五章六章章八句七章十二句八
章六句

四言古詩
二五
繇求逸致共在農山正叔老儒樂觀垓下雖
穆如之詠多慙而黜爾之懷不絕如使世道
休明尚從干羽以誦歸昌卽令黎庶粗安亦
修鑿耕而忘帝力彤弓鍾鼓瞻言一朝珥筆
興詩逸焉千古歎夾谷之難從愁率野其何
極式歌且舞我德伊何載寢載興公歸未遠
旣發綿蠻之音爰終驪駒之曲令帳下歌兒
能勝鐵綽板者奏此大江東足資撫掌云爾

詠業近集目錄

五言古

癸未
甲申

郭正夫文宗構尊經閣詩以序之 一章

昭漢

讀郭正夫集并觀較士 一章

斯道

和三山林守一入萬松關見懷 一章

山川

別陳宣公 一章

廿載

送宣公還三山 一章

淳德

查毅齋將還錢塘寄懷諸友 一章

屬地

偶書寄陳令升 一章

神州

附聯句 一章 凡八章 畢

五言古詩

癸未 甲申

漳海

黃石齋著

榕壇門人

較

郭正夫文宗構尊經閣詩以序之 癸未

昭漢信在天、經書尚北屋、四海為魯殿、側壁動
絲竹、輓世尚權譎、稗子散醇樸、遂以申韓言、強
為堯舜讀、津梁溯三豕、搏觸競五鹿、阡陌開儒
坑、惟埋覆公餗、刀筆既可師、顏孔安足錄、哲人

察其端、喟然念明俶、遺編事苴韋、周鼓發逸璞
譬彼開河山、不敢後嶽瀆、根源出藻茆、餘實被
百穀、五曜循星榆、宇彗乃倏伏、王者司天彘、康
回守地軸、不以罔象珠、而泣神鬼粟、不以妖鳥
符、而起龍蛇陸、世道雖鼎沸、吾學未掌覆、豈有
麟鸞皮、遠慕磻席腹、弓馬多健兒、如噉屠狗肉
俎豆一以羶、箕壁爲蹋蹴、仲尼值戰祭、自矢得
勝福、雖不躬膺懲、諒不至凶魃、所以七聖人、未
肯踰尺幅、敬簡師德心、清明爲道目、干城寄豈
兔、長算坐帷幄、吾鄉諸老儒、頗亦事追琢、鄒魯
五百年、風采尚新沐、一爲過者存、後至各先覺
聖明表六子、引穀導正鶴、此意非區區、要使羣
醜服、先生秉文秘、遂與六子續、以爾伯夷風、煥
爲多士勗、非獨八州燈、允矣九關燭

讀郭正夫集并觀較士有作

斯道失崑源、文章少淵海、騷雅雖薄技、亦已

其會詞林屢喪七、鶯鶯雜綵、隆高不可追、花
磚漸蔚、蒼赤子木英、儻矯然發清嘔、投棗爲典
客、離車未改佩、龍夔禮樂親、崗梧雲物藹、鳳羽
貴、狐騫豈必逐、鵠隊球圖在東序、斷不吐光恠
辭、館授職方、巍峩重先輩、相史挾廬兒、恍惚見
異代、要以扶化柄、不爲衆草穢、日月自中天、星
辰無面背、巨秤出袖間、雄風播海外、約此玄冥
籥、以作昭明輔、藜火但一室、若華乃四屆、金箭
收下陳、齊難集鈎帶、異文盪古質、新響突地籟
、鑿彼寶樹燈、霽爲五雲蓋、弟子三萬人、一一躡
珠琲、睠昔諸同儕、奄然託攜、鞞持踵坐曲室、如
搔經史疥、出門無車帷、側足見樵櫺、清晨鬚眉
心、白晝花粉頰、高抱渾沌鏡、竊炤疑傑態、因之
解臙肉、不復憶舊蛻、纏綿千羽意、踈蹕千秋旆
、噓氣宕胡氛、餘閃破暖睫、陋矣馬蹄間、錦膝擁
口袋、以此眎東觀、何異鷄蓬艾、諒有姬孔心、各

得鐘鼎在

三山林守一入萬松關有作見懷用韻

和之

山川愛嘉客、新意動軒翥、每每欲拔地、突出爲
人助、半壁絡羣峰、江流不敢去、豹隊方陸梁、獅
子忽頭踞、神人相咋嚙、乃稍就部署、平疇三十
里、雞犬寂皇遽、風雲自一局、不與外戶攄、白首
遠行歸、指顧辨其處、猶袖初締花、香氣重撲絮
寒裳度阡陌、不復見溪阻、諒彼共沿前、頗亦閉
闕淤、遠事輟纏綿、湛然發神慮、雞鳴榕樹顛、青
海澹星曙、幸有千里人、抵此千春語、

率爾別陳宣公

相別已廿載、吾初無所得、見爾素服膺、只在能
靜默、奮筆凌霞霜、接機碎敵國、嚼齒飛千鎗、自
知不得力、聃耳觀蒙供、能復有態色、文章視雲
根、引豈歸晨夕、至於性命間、杳然失蒼碧、欲悟

亦我師鷗鵬爲我翼、斷簡尋伊臯、無乃太逼側、
曩老使守關、蒙莊爲狎客、要於敬簡居、確不爽
繩尺、此道何有哉、於爾見遺則、

送宣公還三山

宣公秉淳德、冲邃平山淵、讀書本經史、探索窮
蒼玄、遐處虛無間、遠者不敢先、似欲反才智、鼎
俎於自然、世道貴修姱、扁跳爭輕僂、安得練要
人、與觀義軒前、以指當闡揮、正容如着鞭、相去
數十步、星漢垂宮懸、食當與之游、出當與之眠、
此理不可期、筆舌徒熬煎、何當爲塵塗、漂爍金
石年、

查毅齋將還錢塘寄懷其弟伊璜并示

彥升康流諸友

甲申

屬地斷青虹、垂天見投蜺、驪龍乍失珠、風雷動
閉噎、草昧呼真靈、猶未睹英傑、令弟何慨慷、孺
齒欲噉鐵、解麾超謙旗、以掃莽卓血、握別能幾

五言古詩卷
時鱗羽俱橫絕、鍾陵道路長、老驥服跛鼈、安得
兩虬螭、化爲雙蜻蛚、陸顧多弟兄、管隰相心舌
白板獎帝室、藉茅起天闕、兒曹命鄧竇、下走得
樂葛、顧盼三千里、邇於半戶臬、何當爲醢雞、相
對坐嗚咽

偶書寄陳令升

神州信陸沉、吾徒何顏面、以彼覆杆安、化爲先
集霰、天子亦明察、而受羣奸煽、蚬蟻食腸胃
終不獲所戀、初以拚飛蟲、究使龍血戰、告者日
以勤譏者日以倦、災肯不足懲、焚梁恣雀燕、銅
駝偃淡草、薪麥上高巖、九鼎繫一絲、江河細如
線、大興片紙書、燁於十日電、野老扶杖觀、奸回
手欲顛、壯士橫雕戈、健兒拂筈箭、文人集敗鼓
老媪染赤絹、所貴日方升、不獨雪見睨、躊躇仰
明詔、揮涕濕素弁

賦得浮鍾江上用真韻聯句

潮漲蒲牢吼風催鷓首顰三華白波斟海若青

瑟答湘神元方虎齒啣僊呂鯨鱗湧鐵賓王辰

鬪蒙隣渚草懸拂杓谿塵三華應析關生紫於

倫辟樂新元方窟探鰻理細蠶料龍文親玉辰

大抵聞韶闕裴徊覽泗濟石師

詠業近集目錄

七言古癸未甲申

送王豐功北上公車一章

焦桐

讀林守一漳帖一章

韻人

閱紀石青六史蕉書一章

太白

偶說易象正寄朱康流 一章

讀易

別陳獻可歸繡水 一章

鷓夷

慰別熊遜木 一章

孤生

寄建昌張恭錫太守 一章

貞堅

微吟當長嘯 八章

為龍 多寶 袁公 義旗

烏臺 杜陵

凡八篇十五章

七言古詩

癸未甲申

漳海

黃石齋著

榕壇門人

較

癸未六月江東送王豐功北上公車

焦桐山中神仙窟、百尺屏風青礫骨、投壺拔劍
安足云、要使台雁精蒐奪、主人十年營此山、不
得片瓦棲其間、一朝諸賢官卜築、蒼松翠篠齊
牽攀、豐功於我寔親切、乍向此山輒話別、豈有
熊豹驚淹留、抑爲麟鸞護神烈、世間豪俊如牛

毛曾無半組繫鷹緜，兩年十月復六月，黃鬚長
鬣爭河艚，孝廉之舟孝廉馬，一去一來千金瀉，
道傍防寇與防兵，龍驪或出豺狼下，安得同心
六千人，桓桓呵雪生青春，舉袂揚風播萬里，頓
使四海無飛塵，它時坐我焦桐石，秋蟬一彈洒
一滴，但云天子真聖德，長嘯悠然湖海碧。

讀林守一漳帖因迅筆識之

三山韻人古有數，國初十子已難遇，盛明作者
林宮端，奇逸無過鄭繕部，邇來矯筆紛如林，葉
公曹公渾清浚，幔亭在杭各雄麗，猶與王李爭
呻吟，葉公當年擅條暢，眼中頗有董崇相，豈知
僑盼歸諸生，啓秀披華更適上，董公宗連董漢
橋，近體朗秀如笙簫，於中寔喜林守一，玉軫嶧
桐細金漆，守一爲詩多新嚴，芬芳燁燿鏘鏘鳴
婉嫵，每出珠翠外，劍氣恰與琴書平，迂儒見此
發殘趣，如獵山水破章句，芙蓉大鵬臨長江，固

空有此與之遇、吾生不樂鬪百草、中年割詩如
割藁、吳兒徃徃輕聞音、恨不移情上竦島、島中
千竅穿魚龍、素濤拍穴摧洪鐘、平塘篙師每欲
哭、十日擁鼻捫膾胷、今年還山見諸子、頗亦開
嘆道此理、大東雲漢與崧高、決不爲人嚙纖指
海內作者今雲茶、誰當吉甫芮良夫、石倉選詩
二百卷、卷卷明眸放菡萏、定欲一語傾人城、何
處千金露吾面、白沙山亦賢者生、當盛時振
大雅、遇其灑發無纖埃、不在關雎鵲巢下、二雅
變終起陳檜、繫袖翹歌漸荒昧、呻猿驚鵠無安
微、安得沈沈見其大、陟彼高丘眺遠海、手掬明
沙洗塊磊、與君上下高駝迴、臥然若華炤千載、
定心廣志濬中央、離立經嶽表四方、微言朗咏
生清商、蛟螭踞視鸞鳳翔、風雷盞敬神不傷、夷
蕤斂跡生幽房、區區諸子安敢當、

甲申春閱紀石青史焦書系之以詩

太白山中採靈芝、天台澗傍拾瑤草、芝草已盡
不復生、稂莠逢逢塞田道、與君帶鎌行荷鋤、平
分百畝耘苗蔬、休龍歇象二人俱、旣成黍稷搏
明糲、雲門之笙咸池鼓、束芻飯牛隨牛舞、竈頭
一握聞鸞聲、居然天格親天語、還將糠粃燒黃
精、烏頭紫蔘白茯苓、還醜去豉澆一世、籬間雞
狗餐杜蘅、此時益君長顏色、經旬不餐坐亦得
廣心定志、胃氣香、臥看厨兒煮白石、神明嗜好
知何常、各以適口爲馨香、瓊茅之茹旣蕭索、且
與惡草齊烹釀、合眼相君得、僂骨餐服備非人
間物、不知周孔開寶筵、果有龍麟佐清醞、與君
攜手游人家、撒飯不肖爲丹砂、冬宰之酒清明
茶、平頭鶴髓煎胡麻、榴皮數行誰穉子、金雞四
垂洞里耳、韋編竹簡青黏書、乃不如今之毫紙、
當年帝臣使鬼哭、畏有異人生斲樸、天地破碎
星辰翻、遂以風雲亂雨粟、還君史還君經、還君

澹漠稱先醒、和平簡至神、鬼聽蒼茫千古留石
青、不與世界爭樞星

偶說易象正寄朱康流

康流看我讀易四十年、盡圖十二萬餘言、箇箇
鏡背叅璣璇、此意得無非、偶狀明興二百七十
五、細與姬曆分、鐘鼓幽平燧、絕歸洛中瀍、澗東
西、龜食土十二、圖中皆云云、玉麟吐書排蒼旻、
仰思待旦申、慙慙要與達者摅、真文二十年來
四百友、無人啓關享、敝帚但道排、算如藏闔不
知此象明、於斗康流看我還、山冕三春幾、人紫
闔盤丹輪、扶桑一夜摧、爲薪野老未、宵啼玉麟
試取從頭一、叅玩後來幾、箇河圖半要、知吾學
有所云、不作晬盤坐、空爍

陳獻可來梁山數月矣、寂處一室無物
外之交、猶賈長頭從首陽、下游也、又
當板蕩、猿鶴沙蟲、不知所化、梁山距

繡水尚三千餘里，彈鋏過關或謂腰
下有物，則當解衣刺舟。奈何纍笈搜
書使行者，指其竹乘乎。往時長安貴
人見僕爲文章，必語人曰：作速持去，
無所用此。今暴貴人仍作前語，吾知
獻可竹乘之穩也。感今懷昔，不覺泣
賦率筆，冗音聊當灑別云。

鴟夷不歿生計疎，胥眼未懸國仍許。
南屏北斗如棲苴，蟋蟀當春聽鐘簾。
讀書至此將何爲，黍離麥秀空生悲。
中山兔毫輕於粟，不及朱亥袖中椎。
晉唐帝居亦蕩圻，未有天子歿社稷。
遺方帶血哀蒼生，但恨諸臣盡巾幗。
諸臣剖心誰與明，崑岡烈火燒瓊瑛。
豈有百人同殉難，而無一介懷忠貞。
多寶閣前玉螭蟲，福華編頭勒名字。
都門欲破爭跳身，狗竇藏頭得淡刺。
長鬚肥體稱重臣，尖牟皂衣橫比隣。
白日開門放豸虎。

遂使螻蟻緣龍鱗、嗚呼人臣致身托袞斧、安忍
偷生負明主、天高闊遠雲霧重、夫人無子蓀
愁苦、永嘉世界紛諸王、宣和皇帝花石岡、千秋
亦云無失德、况爾宵旰憂玄黃、蘿圖將窮赤字
短、鳳巢翻風亦毀卵、恨無微力支不周、曾史居
朕謝簫管與君淡談八九年、仰覆指掌明蒼天
銅駝金狄何所識、見爾沒草殊流漣、載馳之詩
屬女子多少丈夫不守理、江濱泥滓鈍牛蹄、馬
前囊空無三矢、西顧襄郢東淮淝、士言安石知
是非、與君畫圖二十四、指點神倪得幽閤、華山
道士安且眠、成都下簾辭取錢、麟足仍可追日
躔、行人何必愁下泉、

熊遜木言別急筆慰之

遯木孤生何太奇、鶴雛破巢啼卑枝、風刀雨箭
刮毛髓、雖有五采誰能知、憶昔丹丘初韶少、大
鐘細磬鳴清妙、琅玕結實不肖餐、欲向帝前振

七言古詩卷
微嘯須臾阿閣翻波濤、梧桐百尺摧蓬蒿、岸谷
滄桑不轉盼、海鳧落羽紛如毛、嗚呼爾生何不
蚤、桃花楊花亦耐老、不見擊鼓吹馮夷、但見呼
風捲秋草、我欲談此中已悲、安能曲折爲君詩
男兒努力開鬢眉、風霾何處無晴時、莫作酸皴
女子爲

寄建昌張恭錫太守

恭錫之守建昌也甚得民和上下賴
之癸未臘月流寇陷袁州臨吉震駭
湖東諸郡盡聞風鶴益府恠於鳴
鏑亟謀利遷恭錫斷鞅卻車雷王不
得王徑出居邵武舉國騷朕恭錫晝
夜拊綏閱月乃定盜賊消弭乃勸王
歸國古云疾風知勁草如恭錫可障
迴瀾者矣因爲長詩歌以紀之

建昌太守何貞堅、手支崩崖挽百川、楚波欲捲

都陽船、一夜十起人安眠、臨吉盱虔本無冠、麻
姑草木自奔驟、但云帝子不可留、金根束轅如
束穀、太守拔刀留王車、閉門不宥歌虛徐、以璧
睨柱欲碎首、自視何如藺相如、帝子潛行適異
國、太守閉門安反側、城頭裹飯夜授衣、隴上芸
耨不改色、移時水落石亦平、湓江湖口微淡清
啓箋迎王歸王城、不用挽水湧刀兵、十宗諸
王十六府、玉葉金枝委如土、豈無守令稱長城
但見龍鬻戰刀俎、建昌王孫安且寧、隕雨不絕
還經星、當市豺狼既不見、雞犬入巷梳舊鬢、太
守上殿稱無功、稽首帝力歸、文宗、神明護持
安可同、流涕四海猶飛蓬、安得更如賢守數輩
矣江東

微吟當長嘯

甲申六月初三日

爲龍莫噉大江魚、爲虎莫嚙空山鼠、魚鼠已盡
江山空、枯槎反根合秋風、君不見建寧嘉平世

餘載、天下健者歸、薤醢、又不見元符淳祐昔
人來、摸端禮碑、前車已覆、後車看、後人又發、前
人歎、火雲燒天、海水竭、龍虎自噉玄黃血、挿刀
入山不可拔、空使壯士嗔白髮、

二

多寶閣前掩畫卷、偃月堂頭賦紈扇、蟋蟀開籠
不敢啼、丞相抱頤藏雞棲、唐朝舞馬識生面、奮
蹄不上兒殿、丞相何爲朝不餐、短衣露踝稱
饑寒、兩卒夾草啣木丸、悔不剖腹納龍肝、滹沱
淚河長九瀾、

三

君不見、袁公橫燒朱雀門、無鬚男子纏羝根、又
不見、海仙欲上石頭道、官家往往稱甘草、沙蟲
猿鶴安足猜、星辰經日生飛灰、世間幾箇爲君
歎、卞壺稽紹李若水、明朝頓有六十人、冰城雪
窖行青春、年少諸生何足論、眼光白晝開青燐、

四

烏臺使者馳馬蹄、黃金如山青玉犀、爲官兩載
已太久、恨不繫印如銅斗、千箱秦蜀萬烏貂、平
頭騎馬花鬪驕、起第連雲欲侵漢、一縣腴田得
大半、烏臺風力真可憐、安得此官常百年、漢鼎
雖移周曆改、斷不移田爲滄海、新銜直指又西
臺、蒙面鬻鬚描青灰、去年此日猶茂才、芒鞋草
衣穿蒿萊、如何不歎令人哀、

五

杜陵老翁走蹙躡、不與鄭虔共糴秣、拾遺偃蹇
爲幕賓、從此坎壈終其身、正統初年水東老、按
刺又歸長安道、曾無一字迎鸞輿、至今人說葉
少保、男兒身勢如彈丸、脫手但做自家官、瀉水
出瓶復何物、不取黃金鑄馬骨、嘉肥到處稱天
山、歸人灑酒欣生選、油車青蓋朱酡顏、柵門東
西不敢關、拾遺少保交團樂、日夜開籠看白鵬

六

中婦罷啼出門去、不得迴頭顧、鉞縷、拔刀湛、何所爲、御溝落花東西歸、可憐不嫁又不死、娥眉青鬢爲誰理、東家少婦初入門、薇香砂粉沾輕唇、稱身百寶行逡巡、中夜下床難俱論、玉釵垂垂改頭面、錦字銀牌看不見、去年簾前雙燕、今歲春來斷紅線、可惜朱弦不掛箭、空使隣媪淚如霰

七

縣官養兵苦無錢、募人捐助常悲漣、富子潛家移海邊、一邑月餉須三千、貧兒四壁枯魚懸、朝炊上城不敢眠、松明無脂當夜燃、斫菜煮金金不鮮、分籌揚沙空垂涎、君不見賊中新迴諸長老、啄肉人羣鷹腹飽、羨金不得攜歸家、餘錢猶塞長干道

八

莫舉義旗義旗之舉何太難雲錦爲紈珊瑚竿
百鈞之錘千鈞之盤乳席居其下飛猿集其端
執手欲戰責育寒義旗之舉何太難雷沙搏鬪
神鬼彈拔華跳河水樹闌臂何以當足何以安
馬服負書廉公罷餐騎劫題封而驅田單義旗
之舉何太難高不與猛席整冠卑不與豨豕板
鞞勇不與屠兒登壇智不與筮兒呼攢窳戚飯
斗米遇齊桓玄德無家傍徨曹瞞劉琨羈旅棲
依匹磾宗澤幕年空希謝安淮流欲枯江流倒
瀾義旗之舉何太難

詠業近集目錄

七言律

癸未
甲申

答周穎侯司李

二章

箕山 五篇

寄葉瞻山御史

四章

老別 知爾 家園 吳江

寄吳鑑在及至之孝廉

二章

律行 征車

寄劉念臺總憲 四章

野曠 時尚 宵旰 橫流

寄鄭玄嶽太宰 四章

雲霓 天道 蟻隙 榮時

送吳源長少參還南都 四章

惜別 病馬 移舟 頓表

林德侯諸爻集山中用韻和江仲放 二章

盪雲 種花

莆中謝南夫諸爻見訪詩以送之 六章

浮沈 年少 樂葛 故劍 新鹽

酬池直夫用韻 二章

樗散 身謀

答賴宇肩太史 四章

平臺 揆天 龍藻 玄圃

三山林守一陳宣公見訪山中偶作 四章

玄賞 古處 憂勞 餘生

沈爻孫大行入漳投詩見懷用韻答之

更致三章 合四章

木葉 寒帷 春殘 匡時

明誠堂初集諸爻各有詠賦用韻和戴

德浚 四章

籌時 農山 蓬門 素業

和胡仲球張章垣 四章

朱闡 書窖 暮春 風禿

和林同方林思誠 七章

木罽 當戶 夾谷 青巒
有和諸爻五言律凡三十七章別梓

答莆田金若干 二章

卓魯 維桑

陳宣公攜五經涉錄及諸書下賒詩以

為別 二章

微壁 疑滯

宣公守一同賦雲盡山無際川歸海未

盈十韻先步宣公製 合十四章

丘壑 桐磬 嘉客 消愁 愚人

百結 空山 博雅 華燿 燕雀

平疇 簾箔 吞夢 大地

同前韻有五言律十章別梓

同安紀石青紆於公車至鄴山言別 二章

高才 當風

壽王東里總憲七十 二章

導師 漢家

寄張湛虛大司馬 四章

雷雨 小鳥 蔡獻 開府

寄鍾陵諸爻 四章

帝夢 卜居 匡廬 江陰

贈紀南書 一章

國門

已上癸未作

張三華差肩之長壽予耳順答之 二章

東望 柴門

答陸岫青直指 六章

鴻澤 嶽立 借劍 鯨鯢 頽垣
窮涯

鄴山送何玄子以大司農應名 四章

起草 中原 經世 天步

雲間陸集生過予鄴山偶爾用韻 四章

備老 尊鱸 借箸 墮猿

張鯢淵中丞漳南凱還餞于鄴山 六章

帝睎 樓船 五伐 綢繆 磯渠

七建

周穎侯司李寄至感時十議 四章

時務 滄桑 橫舟 流俗

和答沈開大縣公復為留容 合四章

短吳 嬾石 離官 多難

九月出山洪尊兌同三山齋中諸爰勝

予再入武夷分賦 六章

枯魚 石樓 旅客 朱門 叢桂

淺雪

武夷山逢黃屏周太守拾酌滴水

九曲 掌唾 簾洞

坐茶洞觀諸子登接筍峰 三章

接筍 漁郎 笳吹

富沙晤陸岫青侍御 三章

垂釣 江南 中原

已上甲申作出山以後嗣錄梓

附

焦桐山記

鄴山三堂記銘

目錄

七言律詩

癸未 甲申 合卷

漳海

黃石齋著

鄴壇門人

較

癸未

答周賴戾司李

箕山賴水亦孤臣、况自溝中泣百神、救世應無

饑溺法、埋頭恰有釣沽倫、收將劍氣龍蛇穩、補

得荷衣魚鳥新、所幸同心憐我老、勿煩啓事惱

丹宸

七言律詩
二
五巖松風竹篠長、柴素卽是水雲鄉、隱囊久已
銷昇藥、嘯旨何須問、餽鳳名士能輕黃閣業、賢
人不笑白頭郎、看君意氣青如許、保有精華日
月傍、

寄葉瞻山御史

老別生離江水前、盤盂肴核尚依然、每逢授粲
過蕭寺、不憶銜書阻暮年、酒鮒全沾御史雨、冶
備多散酒家錢、寸心欲寄無魚雁、各在青松白
石邊、

二

知爾都城保障勞、戈船澤雁共哀嗥、已將鐵骨
酬天地、不向甘風護羽毛、茶水茗溪供夜飯、米
鹽江底炤秋毫、高堂咫尺能相慰、勿憶菰蒲坐
小舫、

三

家園今歲菊花齊、去歲江城山鳥啼、到岸風波
成夢蝶、違時日月共醺雞、已刪經史更無藝、欲
戰龍蛇卻小題、竄憶石頭庵裏坐、看人散米大
橋西

四

吳江楓落冷誰看、不再上書謝好官、多少飛蟲
投熱火、莫愁貧子墜寒山、收帆急手辭三宿、過
市哀弦怨一彈、昔昔交知相問問、爲言多病也

平安

寄吳鑑在及至之孝廉

徘徊烏鵲月明枝、憶爾潛游羈庫時、隻字斷編
猶見採、千金許諾有誰知、相如晚在歸懷袖、賓
石上堂惜別離、今日故交俱見面、勿談往事逗
新詩

二

惟有征車慰轉蓬、相看正在流離中、乍傾玉樹

七言律命卷 三
忘愁雨、不遣騷人賦。谷風灑氣，欲吞三楚。盡道
心却與大江通。英姿若負趙元未，剖血爲君叫
碧翁。

寄劉念臺總憲

野曠蘭蕭未可焚，荒荒怒草罷鋤耘。幾廻入地
看南斗，不惜迂身報聖君。避色湖山猶有韻，
孤行鹿豕亦無羣。半肩襆被輕來往，聊取淨香
散遠氛。

二

時尚長途策短轅，主恩僥與貴丘園。道山到
底根無動，人海難教浪不翻。百刻漏光還昧且，
三分紆采見崑崙。治平每憶出山疏，却使孤臣
涕掩門。

三

宵旰慙憂十五年，老臣席暖幾安眠。浮沉身箭
銅壺外，張弛天弓玉玦邊。秦否自應關氣數，臣

七言律合集卷五
狀儻不屬仁賢、畱將化柄還真宰、悔與時蹄鬪
着鞭、

四

橫流一葦濟、何期斷楫卽爲登岸時、世事合隨
風動竹、人才但可菊穿籬、不孤吾道嘗青膽、暮
借通官點白眉、胡寇果然消戰血、破鎗更煮夜
明芝、

寄鄭玄嶽太宰

雲霓不厭野人情、空向雲霓祝太平、若木已分
長夜好、阿膠奈使黃河清、出山主意明臣節、浮
海狂濤試友生、吾道蹉跎成熟路、終風處處惱
啼鶯、

二

天門除道小間關、遂有跛羊踐泰山、王恕亦曾
逢聖主、南星初未許言官、清風不染魯男子、異
論如歸久未寬、汝漢頻年無奏蹟、幾時龍準得

開顏

三

蟻隙全隄百潰防、曲溝可與正帆翔、不逢龍血
除難盡、已脫牛衣久欲忘、聖世自應愁泮水、清
流何處避瞿塘、紛紛戎馬勞開手、別有風雪灑
淨香

四

榮時蕭艾細難掄、猥苗塲中莫選人、豈有聖賢
旣雁陣、可無簫鼓漏竿神、空山品石經青鳥、夜
火翻書照白身、多少浮沉真宰事、不容程量與
絲綸

送吳源長少叅還南都

惜別長安新柳時、兩年棠蔭繫旌旗、寒光四壁
隣如水、冷面孤松月上枝、兔盡藏弓還拂袖、鹿
蹄盡殺共嘶芝、江山且喜無風鶴、竹院梧齋寄
所思

二

病馬於今老世途、團圓花事但萼鱸、高官受用
歸奴僕、達者鋤名讓釣屠、未了乾坤春草夢、一
行劒鳥野塋鳧、看多勝敗如翻掌、莫向殘碁論
菀枯、

三

曾約移舟負聽泉、不知身在草堂前、慙無十畝
園青箭、幸有雙觥寄紫煙、弛擔松風看破暑、擘
寒鳥語未驚眠、世間勞瘁除抱甕、賸得高牙寤
可憐、

四

嶺表奇峰不世情、何如葉艇定鷗盟、少嘗冰水
知清冷、全撥風濤更泰平、得意狼煙吹氣類、盡
心秃管弄書生、潮來灑足看明月、欲向阿誰共
耦耕、

林德侯江虞皞昆仲小集山中用諸子韻

和江仲放

盪雲鞭石各才人、恰與尋嘗茶飯親、吾道中無
江海岸、斯徒尚有鷗麋隣、鍼方救世終難合、藥
線縫天老未勻、半畝料將五斗秫、畱多賢友共
銷春、

二

種花又老一淡春、鬚髻含霜漸欲勻、無復談高
驚四座、可容酣呌動西隣、鳧分鶴脰猶難舞、弟
作兄啼意自親、畱得半尊穿石榻、臥龍躍馬讓
通人、

莆中謝南夫曾未和鄭牧仲奚仲王自位
見訪詩以送之

浮沉白地領鷗鳧、又趁春風撓白鬚、世務果然
歸俊桀、老人家敢辨雌烏、蚤從道伴今松子、錯
過真絲古釣徒、便合閉關關裏坐、閒銷金屑與
玄珠、

二

年少才高兩不如、繆扶臯比與蘧、
籊結繩以往、無文學、抱膝爲誰鎮、
艸廬人世每翻鹽、鐵論官家空註金、
根車白頭望、倒謝安石、淮北淮南一紙書、

三

樂葛竟銷幾百年、明綸猶欲禮高賢、
文壇登信推牛耳、廟算誰當着祖鞭、
好古雄鋒新磨勵、趨時智鏡老團圓、
吾鄉才子勞相念、愧向橫流問鐵船、

四

居然故劍與遺簪、不避朋來千古心、
當日若從龍比去、此時安得成連吟、
異人見面開天目、好鳥鳴喬起道林、
每爲儒冠頻發嘆、佳時四海足蛩音、

五

新盟莞爾動明神、疇昔何曾見許人、天子寧
知公等在、酒壼未恠客來頻、幸從越陌披經論
坐與孤峰結遠隣、世峻不堪談道廣、但言君是
我親親、

六

土室無端破短垣、不緣熟客到殘門、偶尋橘樹
逢明月、却爲鹿羣悵小園、病馬每驚汗血過、野
鷗亦識鳳雛尊、看人促刺紛紛去、失與漁樵話

遠村

酬池直夫用韻二章

樗散難辭風露侵、覆舟舟下亦危襟、小山猿鶴
愁他日、綿谷龍蛇直到今、已信鵬啼關氣運、未
從禾偃見天心、伐檀處處人無黨、坐對鍾期久
破琴、

身謀國計葉平翻、不記屏間兒女言、半晌時名
成虎窟、一行交譜卽鴿原、蝶絲莫繫蒼生夢、螢

七言律合卷
火自知炎帝恩，倘得晃巖高曝背。
未愁胡馬蕩乾坤。

答賴宇肩太史

竄憶平臺趨對時，龍賓虎僕各支離。
結繩以往無餘學，執簡重來有所思。
天子偶然翻記注，小臣何敢漫修詞。
慙勤欲綴熙明事，多誦虞廷喜起詩。

二

揆天綵筆列華簪，難寫孤臣一縷心。
世道模糊全得力，雲波歷落負知音。
錯從鳴鳥看歌舞，已信斷鼇自陸沉。
幸有青山存舊識，衡茅共頂至恩深。

三

看君龍藻已芬菲，况復斑斕試舞衣。
親在白鹿存慎默，天全不用講弦韋。
白華着跼承銀管，玉宇牽絲上釣磯。
九日山中芝草盛，與誰共採夜

明輝

四

玄圃珠琳在在懸、溫陵先輩盛當年、似因倒海
撻芳楫、恰有羣才出濟川、黃閣漸紆綠野意、高
官嘗使老翁憐、匡時莫說費文偉、同載人多伊
呂前、

三山林守一偕陳宣公見訪山中偶作

多君玄賞十年心、殺馬焚車意太深、但有詞人
能訪道、已教空谷遍鳴琴、千春不廢惟泉石、半
榻垂穿聽陸沈、莫作移文相訊可、小山山筍話
抽簪、

二

古處於今未盡頽、清濤猶向瓦松來、攜將寶冊
看貧子、敝出剛砂與落梅、世事平分尊菜冷、鷗
聲妙得野人陪、吾鄉風物無多異、千里酬君酒
一杯、

七言律詩卷
三

憂勞已送白頭年，再見風流亦莞然。
黃橘花開香箇箇，南山雨灑碧娟娟。
除將騷楚不堪讀，賴有詩壇各上篇。
戎馬能留禘社穩，且題新句餞苔錢。

四

餘生喜不斷，唇炎况有高朋語未嫌。
頭隙諒容詩酒過，身裁恰許韋陶兼。
若加鍾鼎難爲福，畧識杯鎗分已厭。
喪亂耘鋤人何限，莫愁盤底水晶鹽。

沈友蓀大行入漳投詩見懷，用韻答之，更致三章。

木葉頻將孽雁飛，青簑倩得野翁歸。
直突已同曲突盡，新檻寧知舊檻非。
除道每逢修月手，補天空想畫龍衣。
名賢幾輩晨星在，漸見東方曙色晞。

二

褰帷揆筆各希奇，似此軒裳更有誰。
道爲河山擔骨血，天存吾輩寫鬚眉。
驚人若定須丹鳥，救世無勞取藥師。
畱滯皇華能幾日，詎謀可亦到
枰鸞。

三

春殘荔薜琴衡門，歸燕猶招未定鳧。
豈有樵漁貪轍跡，遂煩車馬取方言。
着鞭已覺同儕晚，負弩仍知使者尊。
魚雁日邊傳報少，轉教芳艸念
王孫。

四

匡時到底與尊鱸，各自量才讓釣屠。
有路出山皆遠志，誰家借劍得湛盧。
風流已識東陽郡，騷雅莫談宋大夫。
明海故交相問訊，但言沉沉老
鷗鳧。

明誠堂初集諸友各有詠賦用原韻和戴

德溪

芳時漸已見滄桑、卷得風雲到草堂、便賣青山
仍可隱、將騎頰鯉未爲狂、隨他解佩成遺屣、從
此食魚不用魴、鹿洞鵝湖無勝處、窓前雞語且
開塲

二

農山白日起緇帷、雲鎖霞扃青艸蕤、廿載不定
園蘊藉數椽、頓作鶴威儀、聊將繭室題銀鹿、莫
以戾封換手龜、何處談經闕至極、偶然竹殿與
松埵

三

蓬門已准白頭年、不意薰徽掛素絃、陋巷何曾
懸禹稷、高陽仍不負林泉、力將風雅還三百、數
過人才值半千、伊雒淵淵多語謾、負墻可在紫
陽前

四

七言律
素業風華散未收，現拋鍾鼎與夷繇。若無開美
愁予獨賴有同方，解我憂道岸鐵船銷罔象。文
場師子靖龜貅，一尊正始開今日。勿使前賢傲
厥修。

和明仲求

盡處朱闌繡紫苔，青鞋猶破白雲來。看無鷲引
搜丹穴，保有餘生結聖胎。半畝天䟽蒔藥徑，千
春人指讀書臺。欲呼龍象耘瑤草，且趁上林賦

梅

二

書窖雲窩各啓疆，果然峰影倒匡塘。幽憂墳典
開生路，真率盤餐理舊章。土室何方存礎石，勞
人初不倦津梁。除將蠶月條桑外，莫負吳差君
子鄉。

三

暮春種菊菊苗香，白首忘書書味長。老子避風

驚寶幃吳牛當月領秋陽浮沉隴首輕鄒湛歷
落游人笑葛疆除作錢塘銷鐵券更無一事攪
衰腸

和張章垣

鳳走麟潛事未偏浮雲頗有曲肱緣短筇從此
依函丈長鬣無勞講十千匣底素書還圯水斗
問紫氣臥龍泉披衣善卷成何物領作迂儒禮
暮年

和林同方

木榻茅茨今復新幸無獵火炤祥麟東山雲雨
愁垂老沔上素條翠欲均宦譜半行招鶴怨新
詩五字任猿呻已刊碑石除吾黨保有善稱鄉
愿人

二

當戶蘭生果合鋤翻教烏兔繞蝸廬自從北郭
除門籍不向西河嘆索居鹿觸松楸中夜淚雞

鳴風雨半床書青谿弟子輕聞識坐看香消萬
卷餘

和林思誠

夾谷臨河路已遙歸林更不夢趨朝斐然鸞藻
青山合歸去鷗盟白地饒戶外聽琴無恠韻階
前舞羽未鋤苗縹衣簪筆書成日可有精誠到
斗杓

二

九十青巒玄鬢開宛然琪樹各天培夫鷲笙鶴
尋常過恰有英靈次第來賈馬亦看從入室騫
牛何必愧無才浩浩乾坤圖史裏明河初不動
塵埃

答莆田金若干

見爾聲名卓魯前危時天意托安絃盤根到手
看雷斧駿馬當風着電鞭不次用才新好事偶
然對王古名賢木蘭溪水青春棹倒在銀河星

漢邊

二

維素雞犬蚤平安治譜行行報縣官鹽米細從
書勘過花微少與吏盤桓文心自結神明願筆
帖仍當歌舞看從此禁中知頗牧他年刁斗不
驚寒

陳宣公攜五經涉錄見教詩以餞之

曾辭徵璧掩荆扉又抱經書過此歸入海探珠

山剖玉見華不瘦遜能肥伯山千里傳初學仲
任十篇出秘幃此道臨崖看未墜種蜂敬豕也
光輝

宣公以諸書下貽聊用二章請正因以爲

別

更無疑滯費推求日月長懸天際頭郭泰曾師
仇王簿彭宣錯過安昌侯人從敬靜當南面家
有遺書比十洲對字衡門歡不就相看猶作水

中陽

陳宣公林守一同賦雲盡山無際川歸海

未盈十韻先步宣公製

丘壑何曾謝世紛、憂時涼燄也潛焚、千方已
潰瀾水一縷空抽泰岱雲、買劍太公歸越嶮、
琴漁父滯河汾、百年又過中年半、杵臼相看
未醺

二

桐磬於今斷泗濱、所餘石榻老松鱗、自看野湍
不鳴雁、卽是洪濤未碎身、荏染緜絲成五典、矇
朧雲樹禮三辰、談經莫過山梁雉、畱與樵漁話
太真

三

嘉客能邀幾日閒、家人畏看小刀環、自從椿斧
收蛇跗、聊對親知報鳥還、開眼難拚三折徑、壓
頭不作兩重山、蒼生於我真何與、白石青松恣

七

恐向空山禮少微
 客星螢火此同歸
 似因鼎鑊輕分痛
 到處尊鱸解自肥
 赤手不攀垂布力
 重趸能收幾城圍
 聞聲海內知無黨
 况爾相逢舊荔衣

八

君自興時博雅才
 何貪輕餌鱗鸞胎
 間關脂轄方成賦
 顛倒初衣未改裁
 似許泰山稱闕闕
 未

勞束皙理庚陔
 袖中明月頰相照
 爲灑蕙蘆舊日灰

九

何計華癭與道肥
 馬蘭燕麥共紅緋
 山因着綵多添筆
 室自含虛領白暉
 百國寶書慙軒玉
 六爻夢草謝編韋
 松筠答答長風下
 無數玄言各入微

十

翩然燕雀老朱甍黃鵠何曾喜自鳴不關宗中
看虎過恐饑法裏認芝生蟬聲乍咽全爲佞石
髮垂青不世情四壁今多游臥處一泓五嶽共
清盈

內盡際海未四韻皆從轉音入真支灰
微用此近體也以側韻譜律不便新聲
聊創此格其用題字者皆於起語足之
諸子唱要未及宣公卽宣公前韻仍用

舊法復錄原和四詩用仄聲者於後

盡

平時吾道少所吟鑽仰未窮才已盡下卒何當
稱左車鳳衰未墜得鴻引讀書垂老鬼神憐
明詔不來猿鶴閑平淡看君無關心剛窓暗
誰能恣

際

簾箔牽花珠葉繫黃鸝送笙碧管迤邐蟲何處

知水寒野鶴昂然見雪砌人海波濤幾樣翻名
場裴葛為誰貫鴻門玉斗射洪琴不向君前訴
邊際

海

春夢宵平無塊磊良朋况復足千載鷗眠沙簾
白雲團鳳嘔琅玕青玉蕾謝傳何曾臥土山魯
連終不蹈滄海江東新作木蘭船約爾投棹下
款乃

未

大地皺紋見墨沸淡紅沒帶着花卉人情翻覆
似波瀾世道安筭如虎蝟五鹿欲折雲子鋒二
禽空發昌黎愾臨河拄杖試呼舟但問魚龍堪
濟未

右以仄韻作律章亦創體也律貴調和
仄宜硬辣彼此兼用大難着手見宣公
仄律嚴整心甚畏之聊依原式再足四

章其差數妍媸以獨障自掩也


同安紀石青紆於公車至鄴山詩以送之
想爾高才天所私、夢中已識麟鸞姿、人倫駿發
盡如此、世道匡回何足疑、飛菟風生無鳥過、拂
鍾響動有神知、新絲應手須開徹、幸及新礪年
少時、

二

常風寶劍豈畱行、但欲治平卽治平、天帝亦憐

新霹靂、龍驪空狎老書生、何妨解帶爲溪壑、不
川攤書抵百城、老圃湖東人已倦、世間少得蘇
雲卿、

壽王東里總憲七十

淹滯人天總導師、依然峻茂藝蘭時、精思就
龍難臥、玄微篇成鶴未知、已借風霆供法事、翻
教魚鳥誦新詩、稽山出處同今日、千古西臺共
勒碑、

二

漢家遺直老誰倫、汲鄭當年亦比隣、執法廷中
歸未賤、思賢閣上草仍新、方將勝事開吾黨、不
以難題付小臣、八節廻灘親友好、差肩以爾度
青春、

寄張湛虛大司馬

當年雷雨未分明、異姓弟兄淚縱橫、豈為塵傷
頻發嘆、亦從鳥亂斷鳴嚶、孤臣觸首傾天柱、窮

子負永出火城、寔是到家啼不住、已煩身後細
經營、

二

小鳥今知●不如偷生何處定、林於受餐已費
千金璧、覆卵難迴十部書、雲樹幾層呼孽雁、河
神終日慰枯魚、乾坤似我難開眼、諸老鏘鏘且
驅拏、

三

中原黎獻苦飄搖、河北堅城尚未遘、元老移家
如太蚤、尊人舊譜與誰描、彤弓有賦推召虎、江
漢無詩答聖朝、賸得巨靈雙掌在、孝陵鍾鼓動
晴宵、

四

開府曾支半壁天、於今百粵靜烽煙、苦辭樞密
緣親老、不畏蒼黎急倒懸、救世無才 明主怒
毀家紓難古人憐、別餘草草無多話、春樹緘愁

白日邊、

寄鍾陵諸友

帝夢何曾感畫圖、極多天女笑投壺、乍風乍雨
梅時令、愁鶴愁猿鬼夜呼、道命不關行業事、良
朋多散酒傭徒、攝山蘄尚無神緒、莫問當年屈
大夫、

二

莫愁湖北卜居時、木末芙蓉隔短籬、鍾鼓連山

推海鳥雲波終日宕朝曦如迷蘭渚歸無路欲
葦荔裳出不辭去後故人音問絕夢中猶寫石
城詩

三

匡廬東側烏龍瀾一再移舟江水寒人世可容
花躑躅石頭空與佛盤桓經燒寶劍無多彩全
部奇書不待刪每憶馬當船櫓迅西風徑作馬
蹄看

四

今春魚鳥亂江陰可有前賢鐵鎖心王氣羣龍
通黍谷弄潮豎子限湓潯衣冠不作清譚誤神
烈猶貽豐芑淡管甌半園先種竹三年美箭許
成林

贈紀南書

附

君家書遊國門懸古人不見今人然玉峰已出
藍田上珠海又通赤水淵一榻偶逢桃李雨衡

言律合卷申
門少滯鯉魚天、老來世法文緣盡、羨爾才名尚
少年、

甲中

張三華差肩之長壽、予耳順步韻聊答
東望春橋春樹明、不能東去共呼鶯、孩心趨爾
開消酒、老眼看人莽辟兵、飯裏山頭勞點滴、
湯碁裏罷經營、此時解作清風頌、一字應題十
五城、

二

但隔柴門路已長、况逢戎馬又當場、慘慘七箸
驕廉頗、落落雲松理萬章、塞北病兒看走馬、月
南腐史滯枯腸、少君十歲詩千首、約過十年十
倍償、

答陸岫青直指兼示其弟嗣開

鴻澤哀嗷未有家、多煩繡斧問皇華、弄兵赤子
騎啼乳、秦寇元戎戲聚沙、訪道何曾違驥馬、匡

時端不仗矛蛇遺黎到處懷膏雨合奏薰風放
蚤衙

二

青巖嶽立五雲間豈有毗蜉欲撼山高鼓門曾
經客取大藤峽已斷猿攀三春畫堞圖成鳳千
尺珮刀斂白鷗霹靂會須看破壘都亭豺虎
知還

三

昔自當廷借劍時片言英采動龍驪不教阿閣
鳴宵鳥合使雲臺繡日麒愛國寶臣看起草遊
荒老子任茹芝神州多少浮沈事未必尚方一
一知

四

鯨鯢嘯海且當門那得當門理殖孫百折肱支
難散 主一絲草露也湛恩道從標本更商略
人向根苗別討論曝背隴頭成好事幾時血戰

十言律合集
淨乾坤

五

顏垣荒畝怯耘鋤，莫恠荔裳老遂初。
陸抗自能支晉豫，夷吾從未到淮徐。
江南金箭存公望，河北兜牟盡子虛。
亦欲勉將風櫛去，白頭蓬葆不堪梳。

六

窮涯丘首可安眠，一日棲蓬當百年。
世道自看吹垢力，人才空着驅山鞭。
老從孝秀猶無事，對狶狸亦有權。
好我弟兄頗寄問，夢中風雨慰晴天。

鄴侯山祖帳送何玄子以大司農應召

入京

起草今誰謝，傳傳趨若萬里愁。
宵憂司農懸印已三月，宰相紆邊半白頭。
下策欲消平準論，片言饒得富民侯。
官家頗憶宣公疏，萃渙當年

請有丘

二

中原叱馭也從容七使傳呼動景鍾賦匠只緣
無頗救時危自合咎夔龍海王甲乙歸微管漢
主丁寧念遺龔一士當師三十萬與誰同載上
追鋒

三

經世謨深經術垂逢時救世亦時宜閭閻滅寇
麾素孔中合操榘掃月支獵罷能要十事疏民
勞更奏小康詩迂儒彈結何須道莫遣麟圖負
所思

四

賢獨勞多天步難但分默語共如蘭不教禹稷
憐巢許可使魚蝦怨釣磻帝夢微通版築路人
情豈在雲霓端笙歌鼎沸餘今日要作中庖搏
火看

雲間陸集生過予鄴侯山偶爾川韻

江東傭老此君公誰復問經過此中石燕羣依
浮泗磬枯葉空補嶧陽桐幾廻負約湖邊棹一
夕孤帆天外風幸得南方戎馬少龍雲鱗羽且
相通

二

尊鱸亦不到漳南但為巖泉一解驂每有名流
招隱者何妨惟事抵空函殘碁着眼淡難臥折

屐穿山老尚堪抖擻欲譚當世務恐煩笑影落
江潭

三

借箸更誰事乃公聊將石自寄山中鸞殿半巒
銷才火樛夢全家引道風猛虎不窺鳩鶴宅腥
腸欲洗蛟龍宮江河四顧今如許多少地天未
絕通

四

墜猿已占南山南、又送文鷲與鶴驂、客散可無
路鬼笑、夜闌却有日雞談、半溪風雨三江水、一
菱詩書百寶函、賴爾維素登衽席、尚畱穩色與
松杉、

張鯢淵中丞津南凱還餞于鄴山別錄有四言

帝睇東南 宵旰勞 素書先此展 龍韜一匡江
左歸微管 八翼天門試 夢陶戲下旌 旗新變色
帳前風雨舊 投醪坐 敎赤子 還牛犢 半部饒笳

靖海殿

二

樓船橫海幾時功、牙纛山移指顧中、自向堂皇
資勝算、不教貔虎擅名雄、人因將將知神略、天
爲師師錫帝工、帷幄祇今無頗牧、畫形端在明
光宮、

三

五伐三驅六御森、不愁獵火有遺禽、夷風已破

十言律令卷
五
虺蛇膽道力能馴龍象心亂緒必誅君意定、戟
門高閉主謀深、紛紛投策何須問、保爾征衣灑
幕紳

四

綢繆四海歎方攘、清靜塲中將略長、豈有懸軼
師李愬、頗因刺虎用鄒莊、濟川舟楫通胡越、
世文章寄斧斨、寗憶當年粗莽者、誅毛戮賀未
高強

五

鐵渠散脅古遺經、莫看旄頭太白星、將相能師
陸賈意、倅囚已過單、庭、休從弓箭頻開社、但
取梓枹別建亭、文德修來寧我謾、牛羊久不問
先零

六

七建風雲七斗觚、可云底定未全圖、天心厭亂
雷揚越、帝德光華尚海隅、碎着枯碁餘十一、廻

陽神手立斯須、餘生已共龐公老、長嘆伏龍與
鳳雛、

周頽侯司李寄至感時十議

時務經心儻傑多、其如風雨逼人何、談梅銷渴
情難量、改轍呼車路未頗、碧血萋弘除舊恨、白
頭樂毅負高駝、一枰一着千翻手、空向山中間
斧柯、

二

滄素故事已難陳、再造心傷謀野人、主聖諒無
開口處、天廻賸有感時身、彌山猿鶴慙芳草、半
世糟醅溷葛巾、立國新模猶未定、茂弘空作古
元臣、

三

欲濟橫舟鯨海濶、新書未奏已沾襟、蚤知世界
餘今日、縱有訐謾負夙心、喫飯寇庭真宰輔、投
身幕府半詞林、可憐姚李匡時疏、盡作南陽抱

滕吟

四

洗後消讒付北溟尚多桀秀溷堯岑
碁無進取難為守鼎值烹鮮不避腥
底事滂沱看故國何人談笑上新亭
只餘神烈英風在白日烏龍護紫庭

答沈聞大依其來韻

蕭然短髮老華顛鼓腹難隨麋鹿眠
生世已當虞夏晚菴心空在羲農先
表閭人識雞窠樣賣卜家餘豹尾錢
幸有絃風存百里沙蟲未化尚安便

二

嬾石愚谿各小山但無芝草媿商顏
幾行鳥跡沙田外一幅漁簑風雨間
世道自隨人變化野花塲與竹爛斑
不堪垂老看新曆賴爾巾車數往還

爲縣公畱春

君莫離官念故園、世間安有穩柴門、曲當入碎
須停拍、花欲經秋、垂掩根、白髮舟車懸嶺道、蒼
煙鋤笠動江村、未殊風景看他日、半壁河山答
至尊、

二

雷雨方交多難初、賢勞其忍負車書、掛冠不及
懸神武、解組何能慰板輿、泮渙人情存葦草、綢
繆風信共衣襦、乾坤貧病容吾老、猶爲大夫賦
出居

十月出山林守一李元仲洪尊光林君若
鄭牧仲陳英子滕予再入武夷分賦

一再經過每下車、雞盟淡創到枯魚、慙將殘夢
酬新局、悔不局雲註舊書、世外星辰輕作客、山
前猿鶴老猜予、不知晉魏飄零後、多少高人此
卜居

二

石樓曲折紫崖陰、見爾長懸綺皓心、未必瑤華
生鐵嶂、果然芝草似危岑、關將真氣防來鑿、樸
得樵風老不禁、從此便廻俗士駕、故山石筍細
蕭森、

三

旅客空多猿鳥愁、道人不記此重遊、書從數閱
方知妙、山自三過始覺幽、遺醜丹翁長啓齒、離

經石于坐搖頭滄桑世界沙塵外、莫覺麟鬪
二洲、

四

朱門多改邵平瓜、賸有青山白着花、豪客不爭
雲物帳、官人莫稅舊寮茶、謾譚洞脉三千里、已
採靈符七十家、黑髮幾時今破雪、與誰領畧老
煙霞、

五

龍挂藤梯久絕緣、松楠不記與齊年、世從入漢
知名後、人自逃秦未過前、判得數峰歸老子、桐
將細鱗問諸天、終南玉屋無棲處、自漱雲芽與
鹿眠、

六

溪雲太瘦石泉癯、閒却溪巖老釣徒、瓊榻不
高士下、紫困可有素書無、林間鹿起三株樹、
下人通五嶽圖、竈憶巖灘灘上路、羊裘藉草共

樵蘇

與諸友入滴水巖逢黃屏周太守招酌

九曲三過未覺深、因君更到碧崖陰、黃花已闕
漁人棹、仙掌仍招舟子心、未鑿丹樓函萬戶、能
鋤荒灌足千尋、可將架壑移于此、別作枯船闕
石林、

二

掌崖吞吐百花原、領略諸峰此獨尊、夾道宛然

通帝闕、疎橋時一過、孤村、幾聲啼鳥、迷歸路、無
數遊人不到門、况有乳泉堪洗耳、菖蒲小海自
崑崙

三

簾洞雲深、源未從、輕舟波駛、失從容、三生嶺外
無多逕、石鼓崖前、又數峰、鶴爪擘窠、分水脉、魚
鱗着樹上、油松日斜、欲出裴村路、媿聽幔亭子
夜鍾

同友坐茶洞觀元仲收仲英子登松荀峰
乃就驛道送諸友遊石獅天游因為別

核筍峰頭雲縷微、少年曾此傲輕肥、懸梯不改
舊時路、支石難忘天上機、肉翅看人猿鳥細、羽
人導我熊鳥非、何如此處懸雙榻、白地瓊臺遠
西園

一

漁郎兄弟古參差、龜典雲窩又幾家、每道山惟

茶洞好、不妨人說石樓斜、買舟直去衝雲壑、漱
石從誰煮落霞、選勝欲澗澗便得、曾孫別有闕
桃花、

三

笳吹楓落已紛紛、征人何苦惜離羣、建溪千里
流終合、越嶺中條去未分、紫塞虵龍寒起陸、
孝陵鍾鼓夜深聞、世間不試巨靈掌、畱付空山
掃暮雲、

富沙驛陸岫青待御

垂釣白頭老不難、慙無經術起時艱、才疎自合
推微管、天定猶須論討桓、搏兔如師擒象力、葦
航莫作漏舟看、單車蹇僕空山道、笑殺將軍老
掩鞍、

二

四九江南運未窮、踞蟠龍虎動遺弓、指囿當日
推名杰、研案誰人起茂功、豐沛於今思猛士、冷

城自古少英雄、朝天滅賊知何日、百折江流共
向東、

三

中原方召幾時無、得見溫陶亦自娛、但使江淮
清兔窟、不煩羌 問龍圖、八公草木寒毛膽、七
建鋒稜淨斗觚、况是 高皇親帳裏、提刀豈
子莫驚呼、